



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens. Fvndationes Et Erectiones Monasteriorvm, Et Ecclesiarum
Collegiatarum, &c. per Boiarum, ac loca quædam vicina

Hund, Wiguleus

Monachii, 1620

Confirmatio omnium bonorum Monasterij 1156.

urn:nbn:de:hbz:466:1-13591

de Tannenberc, Schvzigerus de Mindelberc, Engelscaucus & Harman de Heginberg, Vlricus Præpositus de Möringen, & alij quàm plures &c. Signum Domini Friderici Regis Rom. inuictissimi Regis Siciliae.

EGO Conradus Spirensis & Metensis Episcopus, & Imperialis aulae Cancellarius recognoui. Acta sunt hæc anno ab Incarnatione Domini, 1220. Indiæ VII. Regnante Domino Friderico Rom. Rege glorioso, Anno regni eius VIII. Datum apud Augustam, XVI. Calead. Septembris.

ADVOCATIA huius Monasterij ad Duces Bavariz peruenit, post Concilium Constantiense.

NOBILES ibi sepulti de Schvvangau.

De Hocheneck Sueui.

ADDITIONES.

Confirmatio omnium bonorum Monasterij 1156.

Adrianus Episcopus, Seruus Seruorum Dei, dilectis filiis *Anselmo* Præposito Ecclesiæ *S. Ioannis Baptistæ* de *Staingaden* eiusque fratribus tam præsentibus quàm futuris, regularem vitam professis inperpetuum. Religiosam vitam eligentibus, apostolicum conuenit adesse præsidium, ne fortè cuiuslibet temeritatis incurfus, aut eos à proposito reuocet, aut robur quod absit sacre religionis infringat. Eapropter dilecti in Domino filij, vestris iustis postulationibus clementer annuimus & præfatam Ecclesiam ab illustri Duce *Guelphone* in proprio allodio fundatam, in qua diuino mancipati estis obsequio, ad exempla prædecessoris nostri felicitis memoriæ *Eugenij* Papæ, sub *B. Petri* & nostra protectione suscipimus, & præsentis scripti priuilegio communimus. Inprimis siquidem statuentes, vt ordo Canonicus, qui secundum *B. Augustini* Regulam, & institutionem, Præmonstratensium, in eodem loco noscitur institutus, perpetuis ibidem temporibus inuiolabiliter obseruetur. Nec alicuius fratrum, post factam inibi professionem, absque Præpositi licentia liceat ex eodem claustro discedere, discedentem verò nullus audeat retinere. Præterea quascunque possessiones, quæcunque bona eadem Ecclesia in præsentiarum iuste & canonicè possidet, aut in futurum concessione Pontificum, largitione Regum vel Principum, oblatione fidelium, seu alijs iustis modis præstante Domino poterit adipisci, firma vobis vestrisque successoribus & illibata permaneant. In quibus hæc propriis duximus exprimenda vocabulis: in Episcopatu *Augustens.* ecclesiam *Ingenrieth* cum decimis, & alijs ad eam pertinentibus à venerabili fratre nostro *Conrado Augustens.* Episcopo canonicè vobis concessam, Prædium quod dicitur *Sibenaich*, plebem & decimas à memorato Episcopo legitime vobis concessas, partem quoque cuiusdam beneficij, id est, octo mansos, in loco qui dicitur *Marchtoif*, quam tu dilecte fili *Anselme* Præpositus de manu *Theoderici* de *Pounb.* assentiu & conuenientia tam venerabilis fratris nostri *Conradi Augustens.* Episcopi, quàm Canonicorum & ministerialium ipsius Ecclesiæ septuaginta talentis redemisse dignosceris, sicut in scripto eiusdem fratris nostri Episcopi continetur, vobis nihilominus confirmamus. Sane noualium vestrorum sine de nutrimentis vestrorum animalium, nullus à vobis decimas præsumat exigere. Porro consecrationes altarium seu Ecclesiarum, ordinationes clericorum, qui ad sacros ordines fuerint promovendi à Dyocesano suscipietis Episcopo, siquidem catholicus fuerit & ea gratis ac sine prauitate vobis voluerit exhibere.

Metrop. Salub. Tom. III.

Alioquin liceat vobis catholicum, quem malueritis adire antistitem, qui nimirum nostra fultus autoritate, quod postulatur indulgeat. Sepulturam quoque ipsius loci liberam esse decernimus, ut eorum qui scilicet sepeliri deliberauerunt deuotioni & extremæ voluntati, nisi forte excommunicati vel interdicti sint, nullus obstitat, salua tamen iustitia matricis Ecclesie. Ad hæc adiucentes censemus, ut Ecclesia vestra nullum habeat aduocatum. Ob eunte verò tenente eiusdem loci Præposito, nullus ibi qualibet surreptionis astucia seu violentia præponatur, nisi quem fratres communi assensu, vel fratrum pars consilij sanioris secundum DEI timorem & B. Augustini regulam sibi prouiderint intelligendum. Præterea si generale interdictum in parochia fuerit promulgatum, nihilominus clausis januis, non pulsatis tintinnulis, exclusis excommunicatis & interdictis submissa voce diuina celebrandi officia facultatem liberam habeatis. Decernimus ergo ut nulli omnino hominum liceat supradictam Ecclesiam temere perturbare, aut eius possessiones auferre, vel ablatas retinere, minuere seu quibuslibet vexationibus fatigare, sed illibata omnia & integra conferuentur eorum pro quorum gubernatione & sustentatione concessa sunt vsibus omnibus profutura, salua nimirum apostolicæ sedis auctoritate & Dyocesani Episcopi canonica iustitia. Ad iudicium autem huius à sede apostolica perceptæ protectionis, vnum bizantium aureum, nobis nostrisque successoribus annis singulis persoluetis. Si qua igitur in futurum Ecclesiastica secularisue persona hæc nostræ constitutionis paginam, sciens contra eam temere venire tentauerit, secundò tertioque commonita, nisi præsumptionem suam congrua satisfactione correxerit, potestatis honorisque sui dignitate careat, reamque se diuino iudicio existere de perpetrata iniquitate cognoscat & à sacratissimo corpore ac sanguine DEI & Domini redemptoris nostri IESU CHRISTI aliena fiat atque in extremo examine districtæ ultioni sublata; cunctis autem eidem loco sua iura seruancibus sit pax Domini nostri Iesu Christi, quatenus & hic fructum bonæ actionis percipiant, & apud districtum iudicem præmia æternæ pacis inueniant, Amen.

✠ Ego *Hubaldus* presbyter
Cardinalis Ecclesie *Prædixi*,
✠ Ego *Iulius* presbyter Card.
Ecclesie *S. Marcelli*,
✠ Ego *Bernhardus* presbyter
Card. Ecclesie diui *Clementis*.

✠ Ego *Ostauianus* presbyter Card.
Ecclesie *S. Cæcilie*.

✠ Ego *Gerardus* presbyter Card.
S. Stephani in Calio monte.

✠ Ego *Ioannes* presbyt. Card. sanctorum
Ioannis, Vlrici & Ecclesie Lamachel.

Datum *Beneuenti* per manum *Rolandus* *S. Romanæ* Ecclesie presbyteri Cardinalis & Cancellarij. 2. Calen. Iunij indict. 4. incarnat. Dominicæ Anno 1156, Pontificatus verò Domini *Adriani* Papæ quarti Anno secundo.

ALLEXANDER Episcopus Seruus Seruorum Dei, dilecto filio nobili viro Duci *Guelphoni* salutem & apostolicam benedictionem. Cum sciamus honori & incremento sacrosanctæ *Romanæ* Ecclesie diligenter intendere ac circa personam nostram multa deuotione seruere, te sicut spiritualem & deuotum Ecclesie filium, quem sincera in Domino caritate diligimus, cupimus honorare ac preces & petitiones tuas in quantum salua honestate nostra possumus animo libenti admittere, & vtiliter affectu prosequente complere. Inde est quod Ecclesiam, apud quam corpus filij tui est tumulatum, quæ venerabilis frater noster *Frisingensis* Episcopus ad preces tuas consecrauit, sub beati *Petri* & nostra